

МЕСЯЦА СЕНТЯБРЯ В 17-й ДЕНЬ

СВЯТЫЯ МУЧЕНИЦЫ СОФИИ И ТРЕХ ЕЯ ДЩЕРЕЙ:

ВЕРЫ, НАДЕЖДЫ И ЛЮБВЕ

ВЕЧЕР

На Господи, возвах: стихиры праздника, 3, глас 1.

Подобен: Небесных чинов:

Крест возносится, / и демони прогоняются, / разбойник Едема убо врата отверзает, / смерть умерщвляется и ныне пуста явится, / Христос величается. / Тем веселитесь, / вси земнороднии, клятва разрушися.

Приидите, боголюбивии вси, / Крест честный возносимый видяще, / возвеличим купно и славу дадим / Единому Избавителю и Богу, взывающе: / Распныйся на Древе крестнем, не презри молящихся нас.

Горесть древле ослаждая, / Моисей избави Израиля, / образом Крест прописуя; / мы же, сего вси божественно, вернии, / таинственно воображающе в сердцах наших всегда, / спасаемся державою его.

Ины стихиры мучениц, глас 4.

Подобен: Дал еси знамение:

Девы отроковицы, / естества законом связуемы / и яве укрепляемы любовию Создателя, / узу прелести разрушиша верою, / и некрепкаго врага, / вмужившися, ногами сотроша, / и победы венцем световидно украсишася, / и в невестник вселишася умный, радующися.

Вера всехвальная, / и Любовь славная, / и Надежда богомудрая, / добродетелей тезоименитыя светлейших показавшися, / страдальчески лукаваго низложиша, / праматерь коварно прельстившаго, / рая селения, / обожившися, прияша, / о всех молящися.

О огни нерадиша, / и о многообразных муках, / и о смерти, всечестныя: / Жениха бо доброту краснейшаго верою ищуще, / различными ранами украсившися, / Тому счеташася Софиины отрасли, / Вера, Надежда и Любовь же: / ихже ради, Господи, / от лютых свободи ны.

Слава, и ныне, праздника, глас 1. Самогласен:

Насажденное в краниеве месте Древо суцаго живота, / на немже содела спасение Превечный Царь посреде земли, / возносимо днесь, освящает мира концы, / и обновляется Воскресения дом. / Радуются Ангели на Небеси, / и веселятся человецы на земли, / Давидски вопиюще и глаголюще: / вознесите Господа Бога нашего / и поклоняйтесь подножию ног Его, / яко свято есть, подай миру велию милость.

На стиховне стихиры, глас 2.

Подобен: ДOME Евфрафов:

Водою боготворною и Кровию Твоею, / Слове, светло Церковь украшается, / яко невеста, / Креста славу поюще.

Стих: Возносите Господа Бога нашего и поклоняйтесь подножию ногу Его, яко свято есть.

Копие со Крестом, / гвозди и иная, / имиже живоносное Христово пригвоздися Тело, / возносяще, поклонимся.

Стих: Бог же, Царь наш прежде века, содела спасение посреде земли.

Егда Амалика / Моисей побеждаше, / на высоту руце имея крестоявленно, / образоваше Христову Страсть пречистую.

Слава, и ныне, глас 1:

Прообразуя Крест Твой, Христе, / патриарх Иаков, / внуком благословение даруя, / на главах пременены руки сотвори. / Егоже, Спасе, мы днесь возносяще, взываем: / даруй христоролюбивому воинству победы, / яко Константину одоление.

Тропарь праздника:

Спаси, Господи, люди Твоя, / и благослови достояние Твое, / победы на сопротивныя даруя, / и Твое сохраняя Крестом Твоим жительство.

Величание: Величаем ты, святая мученицам Вере, Надежде, Любове и Софии, / и чтим честныя страдания ваша, яже за Христа претерпели есте.

Псалом избранный: Предзрех Господа предо мною выну, яко одесную мене есть,

Псалом избранный: Сказал ми еси пути живота, исполниши мя веселия с лицом Твоим.

По полиелеи Седален, глас 1.

Подобен: Лик ангельский:

Агницы словесныя Агнца и Пастыря, огню и лютым мукам предани бысте и явистесь Ангелом равночестни. Тем вси священную вашу память празднуем в веселии сердца, девы богомудрыя.

Слава, и ныне, праздника, подобен тойже.

Оружие Креста во бранех показася некогда благочестивому царю Константину непобедимая победа на враги, веры ради; сего трепещут противныя силы, сие бысть и верных спасение, и Павлова хвала.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящии Сиона, / посрамитесь от Господа, / яко трава бо огнем / будете изсохше.

Слава: / Святым Духом / всяка душа живится, / и чистотою возвышается, / светлеется Троическим Единством священнотайне.

И ныне, тойже.

Прокимен: глас 4.

Прокимен: Дивен Бог во святых Своих, * Бог Израилев.

Стих: В церквах благословите Бога, Господа от источник Израилевых. Всякое дыхание:

Евангелие от Марка, зачало 21

И ѿде съ нѣмъ: и по нѣмъ ѿдѣхъ народи мнози и оугнетѣхъ егò. **И** женѣ нѣкаѣ сѣци въ точенїи крове лѣтъ дванадесѣте, и многò пострадавши ѿ многòхъ врачевъ, и ѿдавши своѣ всѣ, и ни единыѣ пользы ѿвѣтши, но паче въ горшеє пришедши: слышавши ѿ иѣсѣ, пришедши въ народѣ создаи, прикоснѣсѣ ризѣ егò: глаголаше бо, ѣкѡ, ѣще прикоснѣсѣ ризамъ егò, спасена вѣдѣ. **И** ѡвѣе ѿсѣкнѣ источникъ крове еѣ: и раздѣи

тѣломъ, ѣкѡ изцѣлѣ ѿ раны. **И** ѡвѣе иѣсъ раздѣ въ севѣ силѡ изшѣдшю ѿ негѡ, (и) ѡвращѣса въ народѣ, гласе: кто прикоснѣса ризамъ моимъ; **И** глаголахѡ емѡ оучицы егѡ: видиши народѣ оугнетajúщъ тѣ, и глѣши: кто прикоснѣса мнѣ; **И** ѡвгладаше видѣти сотворшю сѣе. **Ж**енá же оубоавшиса и трепѣщщи, вѣдщи, еже вѣсть ей, прїиде и припадѣ къ немѡ и рече емѡ всѡ истинѡ. **О**нѣ же рече ей: дщи, вѣра твоѡ спасе тѣ: иди въ мирѣ и вѣди цѣлѣ ѿ раны твоѣ.

По 50-м псалме

Слава: / Молитвами апостолов, / Милостиве, очисти / множества согрешений наших.

И ныне: / Молитвами Богородицы, / Милостиве, очисти / множества согрешений наших.

Таже, глас 6: Помилуй мя Боже / по велицей милости Твоей, / и по множеству щедрот Твоих / очисти беззаконие мое.

Стихира, глас 6.

О огни нерадиша, / и о многообразных муках, / и о смерти, всечестныя: / Жениха бо доброту краснейшаго верою ищуща, / различными ранами украсившася, / Тому счѣташася Софиины отрасли, / Вѣра, Надежда и Любовь же: / ихже ради, Господи, / от лютых свободы ны.

Канон праздника со ирмосом на 8 и святых на 4.

Канон праздника, глас 8.

Песнь 1

Ирмос: Крест начертав Моисей, впрямю жезлом Черное пресече, / Израилю пешеходящу, / тоже обратно фараоновым колесницам ударив совокупи, / вопреки написа непобедимое оружие. / Тем Христу поим Богу нашему, / яко прославися.

Образ древле Моисей пречистыя Страсти в себе самом преобрази, священных среде стоя: Крест же вообразив, простертыми победу дланьми воздвиже, державу погубив Амалика всегубителя. Тем Христу поим, Богу нашему, яко прославися.

Возложи Моисей на столпе врачество, тлетвориваго избавление и ядовитаго угрызения, и древу образом Креста по земли пресмыкающагося змия привяза, лукавнй в сем обличив вред. Тем Христу поим, Богу нашему, яко прославися.

Показа небо Креста победу благочестия держателю и царю богомудру, врагов в немже злосердных низложися свирепство, леств же превратися, и вера распростресея земным концем Божественная. Тем Христу поим, Богу нашему, яко прославися.

Ин канон мучениц, егоже краегранесие: Софиина зелявленная и светлая чада пою. Феофаново. Глас 1.

Песнь 1

Ирмос: Твоя победительная десница / боголепно в крепости прославися. / Та бо, Безсмертне, / яко всемогущая, / противныя сотре, / израильтяном пути глубины новосоделавшая.

Премирныя Твоя, Христе, и несказанныя премудрости осияние даруй мне, Владыко, благолепныя и благославныя Твоя мученицы, яко да воспою Софиина прозябения.

Нарицание твое яве жительством, богомудрая, украсися: всю бо проводила еси жизнь твою премудрости желанием, славная Софие, мудрости осиявшия благодатию.

Твой всеблаженный плод, Пребожественныя Троицы количеством украшаемъ, страдальчески за Онюю подвизася, всемудрая Софие, Премудрости Божественныя тезоименитая.

Тело и душу добродетельми очистивше, девы отроковицы три Тебе приведошася мученически, умному Жениху Христу, Вера с Надеждою и Любовь славная.

Богородичен: Весь зрак мой приим, Иже во зраце Божии прежде зрими, всего обнови, в Твоем чреве боголепно вселився, Пречистая. Темже Богородицу, вернии, Тя вси славим.

Катавасия: Крест начертав Моисей, впрямо жезлом Чермное пресече, / Израилю пешеходящу, / тоже обратно фараоновым колесницам ударив совокупи, / вопреки написа непобедимое оружие. / Тем Христу поим Богу нашему, / яко прославися.

Песнь 3

Ирмос: Жезл во образ тайны приемлется, / прозябением бо предразсуждает священника, / неплодящей же прежде Церкви, / ныне процвете древо Креста, / в державу и утверждение.

Яко испусти, ударяемъ, воду краесекомый непокоривым людем и жестосердым, богозванныя проявляше Церкви таинство, еяже Крест держава и утверждение.

Ребром пречистым, копием прободенным, вода с Кровию истече, обновляющая Завет и омывательная греха: верных бо Крест похвала и царей держава и утверждение.

Ин

Ирмос: Еди́не ведый / человеческого существа немощь, / и милостивно в невообра́жся, / препояши мя с высоты силою, / еже вопити Тебе Святы́й: / Одушевленный Храме / неизреченныя славы Твоя, Человеколюбче.

Гласа послушавше Христова, зовуща к безсмертней и безстрастней жизни, последоваша венценосицы девы и мученицы, еже вопити Тебе, Святы́й: Храме одушевленный пречистыя славы Твоя, Человеколюбче.

Крепость дарова Христос стоящим пред судищем мученически вам, яко обеща́ся, и богодохновенныя мудрости исполни, и светлы показа победоносныя мученицы, девства сияюща благодатию.

Притуписте ум вражий, девы, великохвальныи и того гордыню низложисте, великомудренно подвигшеся, и прежде хвалящагося истребити море теченьми кровей потописте.

Мудрости вышния Христовы богато насытившеся, избранныя мудрости и благоумныя, дщери три посрамиша мучащих свирепства и неистовство недержное, витийствующе Божественная учения.

Богородичен: Святы́х Святаго Христа свято породила еси, Святыни святое селение, во святы́х почивающаго, Емуже вопием: свят храм одушевленный неизреченныя славы Твоя, Человеколюбче.

Катавасия: Жезл во образ тайны приемлется, / прозябением бо предразсуждает священника, / неплодящей же прежде Церкви, / ныне процвете древо Креста, / в державу и утверждение.

Кондак святых, глас 1.

Подобен: Гроб Твой, Спасе:

Софии честныя священнейшия ветви Вера и Надежда / и Любовь показавшеся, / мудрость обуиша еллинскую благодатию, / и пострадавше, и победоносицы явившеся, / венцем нетленным от всех Владыки / Христа увязошася.

Седален, глас 1.

Подобен: Лик ангельский:

Агницы словесныя Агнца и Пастыря, огню и лютым мукам предани бысте и явистеся Ангелом равночестни. Тем вси священную вашу память празднуем в веселии сердца, девы богомудрыя.

Слава, и ныне, праздника, подобен тойже.

Оружие Креста во бранех показася некогда благочестивому царю Константину непобедимая победа на враги, веры ради; сего трепещут противныя силы, сие бысть и верных спасение, и Павлова хвала.

Песнь 4

Ирмос: Услышах Господи, / смотрения Твоего таинство, / разумех дела Твоя, / и прославих Твое Божество.

Горькородныя преложи дровом Моисей источники в пустыни древле, Крестом ко благочестию языков проявляя преложение.

Глубине внедривый секущую издаде Иордан древу, Крестом и крещением сечение лести знаменуя.

Священно ополчаются четверочастнии людие, предходяще образом свидетельства скинии, крестообразными чинми прославляемии.

Чудно простираемь, солнечныя лучи испущаше Крест, и поведаша небеса славу Бога нашего.

Ин

Ирмос: Гору Тя благодатию приосененную, / прозорливыма Аввакум усмотрив очима, / из Тебе изыти Израилеву / провозглашаше святому, / во спасение наше и обновление.

Укрепльшися Божественною благодатию, добропобедныя, Вера, Любовь и Надежда мучителей прещения мужественно посрамиша, огнем всесожегаемы, всемудрыя, и Жениху Христу приводимы.

Возмогаша, Креста всеоружием оградившися, Вера, Любовь и Надежда мучений благомощно раны стерпети, святыя, даже до кровей крепчайше ко греху противльшися.

Свещи тричисленные мудрости сияющия, Вера, Любовь и Надежда, Троицы просвещеньми яве блистающияся, пресветло Церкви просвещают, ко спасению нашему и защищению.

Богородичен: Святых Святая Богородице Всепетая, ожидание языков и спасение верных, из Тебе возсия Избавитель и Жизнодавец и Господь, во спасение нас, поющих Тя.

Катавасия: Услышах Господи, / смотрения Твоего таинство, / разумех дела Твоя, / и прославих Твое Божество.

Песнь 5

Ирмос: О Трехблаженное древо, / на немже распяся Христос, Царь и Господь. / Имже паде дровом прельстивый, / тобою прельстився, / Богу пригвоздившуся плотию, / подающему мир душам нашим.

Тебе, приснопетое Древо, на немже прострися Христос, Едем хранящее обращающееся оружие, Кресте, устыдися: страшный же Херувим уступи на тебе пригвожденному Христу, подающему мир душам нашим.

Подземных силы противныя Креста страшатся начертаема знаменія на воздусе, по немуже ходят Небесных и земнородных роди, колена преклоняюще Христу, подающему мир душам нашим.

Зарями нетленными явлься Божественный Крест омраченным языком, заблужденным в прелести, Божественный свет облистав, усвоет на нем пригвожденному Христу, подающему мир душам нашим.

Ин

Ирмос: Просветивый сиянием / пришествия Твоего Христе, / и осветивый крестом Твоим міра концы, / сердца просвети светом Твоего богоразумия, / православно поющих Тя.

Терпением мудрований муки подъемляху, и мудрости, сущия в Бозе, глаголюще тайны, держащаго посрамиша три девы богоносныя, верою и естеством связуемы.

Радуется прамати, видящи побеждаема льстиваго, из Едема древле изгнавшаго сию, женами богомудрыми, Надеждою, Верою и Любовию, Софии рожденьми.

Ядовитаго мучителява ласкания избегоша и мучений язвы вольне претерпеша честныя отроковицы, Твоею любовию уязвльшеса, Христе, и Божественным Твоим рачением.

Богородичен: Веселятся Небесныя Силы, видяще Тя, радуются с ними человекво состояния: Рождеством бо соединишася Твоим, Дево Богородице, Егоже достойно славим.

Катавасия: О Треблаженное древо, / на немже распяся Христос, Царь и Господь. / Имже паде древом прельстивый, / тобою прельстився, / Богу пригвоздившуся плотию, / подающему мир душам нашим.

Песнь 6

Ирмос: Воднаго зверя во утробе, / длани Иона крестовидно распростер, спасительную страсть проображаше яве. / Тем тридневен изшед, премірное воскресение прописаше, / плотию пригвожденнаго Христа Бога, / и тридневным воскресением мір просвещшаго.

Старостию преклонився и недугом отягчен, исправися Иаков, руце пременив, действие являя жизноноснаго Креста: ибо ветхость законнаго сеновнаго писания новописа на сем Плотию пригвоздивыйся Бог и душегубительный недуг лести отгна.

На юныя возложив длани божественный Израиль, крестовидно главы являше, яко старейшая слава, законослужителе людие. Темже, подмневся тако испрельститися, не измени жизноноснаго образа: превзыдут бо людие Христовы Божии новоутвержденнии, вопияху, Крестом ограждаеми.

Ин

Ирмос: Обыде нас последняя бездна, / несть избавляяй, / вменихомся яко овцы заколения, / спаси люди Твоя, Боже наш: / Ты бо крепость немощствующих и исправление.

Радующеся, во Твои, Владыко, пречистыя длани возложиша надежды отроковицы три, Троицы коли.чеством и числом почтенныя и похваляемыя.

Светящеся девства добротами, мученическими увязеньми украсишася, и венец сугуб свыше достойне прияша от Христа, Жизнодавца и Всещедраго.

Приведошася, Владыко, в храм Твой, всех царствующаго, девственная сокровища честная приобщитися Царствию Твоему: Ты бо тех и свет еси, и веселие.

Богородичен: Радуются о Тебе, Дево Пречистая, рода нашего праотцы, Едем восприемше Тобою, егоже преступлением погубиша: Ты бо Чиста и прежде Рождества, и по Рождестве еси.

Катавасия: Воднаго зверя во утробе, / длани Иона крестовидно распротер, спасительную страсть проображаше яве. / Тем тридневен изшед, премірное воскресение прописаше, / плотию пригвожденнаго Христа Бога, / и тридневным воскресением мiр просвещшаго.

Кондак праздника, глас 4. Самоподобен:

Вознесыйся на Крест волею, / тезоименитому Твоему новому жительству щедроты Твоя даруй, Христе Боже, / возвесели нас силою Твоею, / победы дая нам на сопостаты, / пособие имущим Твое оружие мира, непобедимую победу.

Икос:

Иже до третияго Небесе восхищен бысть в рай и глаголы слышав неизреченныя и Божественныя, ихже не леть языки (человеческими) глаголати, что Галатом пишет, яко рачителие Писаний прочтосте и познасте: мне, глаголет, хвалитися да не будет, токмо во едином Кресте Господни, на немже, страдав, уби страсти. Того убо и мы известно держим, Крест Господень, хвалу вси: есть бо нам спасительное сие Древо оружие мира, непобедимая победа.

Песнь 7

Ирмос: Безумное веление мучителя / злочестиваго люди поколеба, / дышущее презрение и злохуление богомерзкое: / обаче три отроки не устраши ярость зверская, / ни огонь снедаяй, но противодышущу росоносному Духу, / со огнем суще пояху: / препетыи отцев и нас Боже, благословен еси.

От древа вкусив, первый в человецех в тление вселися: отвержением бо жизни безчестнейшим осудився, всему роду телотленен некий яко вред недуга преподаде; но, обретше, земнороднии, воззвание крестным Древом, зовем: препетый отцев и нас Боже, благословен еси.

Разруши повеление Божие преслушание, и древо принесе смерть человеком, еже неблаговременно причастно бывшее; во утверждение же зело честнаго оттуду жизни древо возбраняемо бе, еже разбойнику злоумершу отверзе, благоразумно зовущу: препетый отцев и нас Боже, благословен еси.

Жезла объемлет край Иосифова, будущая зря, Израиль, Царствия державное, яко возымуществит преславный Крест, проявляя: сей бо царей победоносная похвала и свет верою зовущим: препетый отцев и нас Боже, благословен еси.

Ин

Ирмос: Тебе умную Богородице, / пещь разсмотрим вернии: / якоже бо отроки спасе три Превозносимый, / мир обнови, / во чреве Твоем Всецел, / хвальный отцев Бог, и препрославлен.

Трисиянную единства благодатию озаряеми яве, девы демонское разрушиша тьмонеиство, Свет Триипостасный богословяще и поюще: хвальный отцев Бог и препрославлен.

На Небесех чертоги имуще, священосныя души, со Ангелы весело ныне ликовствуете, славу присносущную зряще и глаголюще: хвальный отцев Бог и препрославлен.

Терпеливо, яко отроцы, противление показавше, огонь попраша мужественно: тех бо равночисленныя разум равностатный богоносныя стяжаша, хвальнаго отцев присно Бога и препрославленнаго.

Богородичен: Даеши, Чистая, оставление прегрешений воспевающим Тя верно, избавляющи напастей и всякаго обстояния: Тя бо ныне стяжахом прибежище, Богоневестная, яко хвальнаго отцев Бога руками носившая.

Катавасия: Безумное веление мучителя / злочестиваго люди поколеба, / дышущее презрение и злохуление богомерзкое: / обаче три отроки не устраши ярость зверская, / ни огонь снедаяй, но противодышущу росоносному Духу, / со огнем суще пояху: / препетый отцев и нас Боже, благословен еси.

Песнь 8

Ирмос: Благословите отроцы, / Троицы равночисленнии, / Содетеля Отца Бога, пойте снишедшее Слово, / и огонь в росу претворшее, / и превозносите всем жизнь Подавающаго, / Духа Всесвятаго, во веки.

Воздвигаему Древу, окроплению Кровию воплощагося Слова Бога, пойте, Небесныя Силы; земных воззвание празднующе, людие, поклонитесь Христову Кресту, имже миру востание во веки.

Земнороднии, дланьми, строителие благодати, Крест, на немже стояше Христос Бог, возносите священнолепно и копие, Божия Слова Тело прободшее, да видят языцы вси спасение Божие, славяще Его во веки.

Божественным судом предызбранныи, веселитесь, христианстии вернии царие, хвалитесь победоносным оружием, приемше от Бога Крест честный: в сем бо колена браней, дерзости ищуще, разсыпаются во веки.

Ин

Ирмос: В печи отроцы Израилевы, / якоже в горниле добротою благочестия, / чистее злата блещахуся, глаголюще: / благословите вся дела Господня Господа, / пойте и превозносите во вся веки.

Девы богосветлыя, Вера, Надежда, Любовь, добротою благочестия чистее злата блещахуся, глаголюще: благословите, вся дела Господня, Господа, пойте и превозносите во вся веки.

Сияющия и световидныя мучением проявление бывшия девы, вернии, воспоим, глаголюще: благо.словите, вся дела Господня, Господа, пойте и превоз.носите во вся веки.

Врачевств струю обильно, довольно и богато раки страстотерпиц источают присно, верою зовущим: благословите, вся дела Господня, Господа, пойте и превозносите во вся веки.

Богородичен: Земля святая была еси, Чистая, жизноносный Клас рождшая, присносущныя жизни Ходатая, Христа, Емуже вси зовем: благословите, вся дела Господня, Господа, пойте и превозносите во вся веки.

Катавасия: Благословите отроцы, / Троицы равночисленнии, / Содетеля Отца Бога, пойте снизшедшее Слово, / и огонь в росу претворшее, / и превозносите всем жизнь Подавающаго, / Духа Всесвятаго, во веки.

Песнь 9

Ирмос: Таин еси, Богородице, рай, / невозделанно возрадивший Христа, / имже Крестное живоносное на земли насадися древо. / Тем ныне возносиму, покланяющеся ему, / Тя величаем.

Да возрадуются древа дубравная вся, освятившуся естеству их, от Негоже изначала насадишася, Христу распростершуся на Древе; тем, ныне возносиму, покланяющеся Ему, Тя величаем.

Священный воста рог и глава всем богомудрым, Крест, имже грешных мысленно стираются рози вси; тем, ныне возносиму, покланяющеся ему, Тя величаем.

Ин

Ирмос: Образ чистаго Рождества Твоего, / огнепалимая купина показа неопальная: / и ныне на нас напастей / свирепеющую угасити молимся пещь, / да Тя Богородице / непрестанно величаем.

Светом Трисиянным исполняемы и сияния Божественного ныне насыщающесея, купноименныя добродетелей и тождеименныя любви, надежды и веры, надеждею и любовию ны и верою утвердите.

Да вышняя Крепость ныне укротит обдержашую бурю ереси, о страсотерпицы непобедимыя, и подаст верным единоумие, просите, молим непрестанно, добродевы.

Ночь жития, всемудрая, прешедше, день постигаете невечерний, мученически веселящесея и девственно хвалящесея благодатию, и Божественного Царствия нетленного сподобляемы.

Богородичен: О, како Дева роди присносущее Слово и Ипостасное, Сияние Отчия Ипостаси, нашего Благодетеля и Господа, из Нея воплощася, Егоже достойно величаем.

Катавасия: Таин еси, Богородице, рай, / невозделанно возрастивший Христа, / имже Крестное живоносное на земли насадися древо. / Тем ныне возносиму, покланяющесея ему, / Тя величаем.

Светилен:

Крест хранитель всея вселенныя, Крест красота Церкви, Крест царей держава, Крест верных утверждение, Крест Ангелов слава и демонов язва.

Слава, и ныне, тойже.

На стиховне стихиры, глас 6.

Подобен: Трдневен:

Идеже стояша ноги Христовы, месту покланяемся, возвышающе треблаженный Крест, на немже источися Кровь Владычня, источившаго миру Воскресение.

Стих: Вознесите Господа Бога нашего и покланяйтесь подножию ногу Его, яко свято есть.

Умертвивше страсти плоти и духа, богомудрии, потщимся возвыситися от земных в Небесный покой, Креста воздвижением, сраспеншесея Владыце Христу.

Стих: Бог же, Царь наш прежде века, содела спасение посреде земли.

Животекущий из Божественных ребр источник яве искипе Спасовых, напаяющ души верою покланяющихся Божественным Его Страстем, и Кресту, и Воскресению.

Слава, и ныне, глас 2:

Приидите, вси языцы, благословенному Древу поклонимся, имже бысть вечная правда: праотца бо Адама прельстивый древом Крестом прельщается и падает, низвержен, падением странным, мучительством одержавый царское здание; Кровию Божию яд змиев отмывается, и клятва разрушися осуждения праведнаго, неправедным судом Праведнику осуждену бывшу; Древом бо подобаше древо

исцелити и Страстию Безстрастного, яже на Древе, разрешити страсти осужденнаго. Но слава, Христе Царю, еже о нас Твоему мудрому смотрению, имже спасл еси всех, яко Благ и Человеколюбец.

На Литургии

Блаженны праздника, песнь 4-я, на 6.

- 1.** Яко испусти, ударяемь, воду краесекомый непокоривым людем и жестосердым, богозванныя проявляше Церкви таинство, еяже Крест держава и утверждение.
- 2.** Ребром пречистым, копием прободенным, вода с Кровию истече, обновляющая Завет и омовательная греха: верных бо Крест похвала и царей держава и утверждение.
- 3.** Старостию преклонився и недугом отягчен, исправися Иаков, руце пременив, действие являя жизноноснаго Креста: ибо ветхость законнаго сеновнаго писания новописа на сем Плотию пригвоздивыйся Бог и душегубительный недуг лести отгна.
- 4.** На юныя возложив длани божественный Израиль, крестовидно главы являше, яко старейшая слава, законослужителе людие. Темже, подмневся тако испрельститися, не измени жизноноснаго образа: превзыдут бо людие Христовы Божии новоутвержденнии, вопияху, Крестом ограждаеми.
- 5.** Гласа послушавше Христова, зовуща к безсмертней и безстрастней жизни, последоваша венценосицы девы и мученицы, еже вопити Тебе, Святыи: Храме одушевленный пречистыя славы Твоя, Человеколюбче.
- 6.** Крепость дарова Христос стоящим пред судищем мученически вам, яко обещае, и богодохновенныя мудрости исполни, и светлы показа победоносныя мученицы, девства сияюща благодатию.
- 7.** Радующеся, во Твои, Владыко, пречистыя длани возложиша надежды отроковицы три, Троицы коли.чеством и числом почтенныя и похваляемыя.
- 8.** Светящеся девства добротами, мученическими увязеньми украсишася, и венец сугуб свыше достойне прияша от Христа, Жизнодавца и Всещедрого.

Тропарь праздника

Спаси, Господи, люди Твоя, / и благослови достояние Твое, / победы на сопротивныя даруя, / и Твое сохраняя Крестом Твоим жительство.

тропарь мученицам глас 4,

Вознеси́ся на Крестъ волю, / тезоименитому Твоему новому жительству
щедроты Твоя даруй, Христе Боже, / возвесели нас силою Твоею, / победы дая нам
на сопостаты, / пособие имущим Твое оружие мира, непобедимую победу.

Кондак праздника, глас 4:

Вознеси́ся на Крестъ волю, / тезоименитому Твоему новому жительству
щедроты Твоя даруй, Христе Боже, / возвесели нас силою Твоею, / победы дая нам
на сопостаты, / пособие имущим Твое оружие мира, непобедимую победу.

Кондак святых, глас 1:

Софии честныя священнейшия ветви Вера и Надежда / и Любовь показавшеся, /
мудрость обуиша еллинскую благодатию, / и пострадавше, и победоносицы
явившеся, / венцем нетленным от всех Владыки / Христа увязошася.

Прокимен: глас 4.

Прокимен: Дивен Бог во святых Своих, Бог Израилев.

Стих: В церквах благословите Бога, Господа от источник Израилевых. Всакое
дыхание:

Братіе: Прѣжде же пришѣствѣа вѣры, подѣ зако́номъ стрего́ми вѣхомъ, затворѣни
въ хотѣцѣю вѣрѣ ѿкрытисѣ. **Тѣмъ** же зако́нъ пѣствѣнъ на́мъ вы́сть во хрѣ́тѣ, да ѿ
вѣры ѿправди́мсѣ: пришѣдшей же вѣрѣ, о́ужѣ не подѣ пѣствѣномъ ѣсмь. **Всі** во вы сѣнове
вѣ́и є́стѣ вѣрою ѿ хрѣ́тѣ іѣсѣ: є́лицы во во хрѣ́тѣ крестѣстесѣ, во хрѣ́тѣ ѿблекѣстесѣ.
Нѣсть іудѣй, ни є́минъ: нѣсть ра́бъ, ни свѣбѣдъ: нѣсть мѣжескѣй по́ль, ни жѣнскѣй: всѣ
во вы є́дино є́стѣ ѿ хрѣ́тѣ іѣсѣ. **А́**ще ли вы хрѣ́тѣвы, о́убо авраа́мле сѣмѣ є́стѣ, и по
ѿвѣтѣво́анію наслѣдницы.

Аллилуия, глас 1: Тѣрпѣла потерпѣхъ гда, и внѣтъ ми и оуслыша моли́твѣ мою:

Стих: и возведѣ мѣ ѿ ро́ва страстѣй и ѿ вренѣа тѣны, и поста́ви на ка́мени но́зѣ
мой и испра́ви стѣпы моѣ:

Евангелие от Марка, зачало 21

И иде съ нимъ: и по немиъ идѣху народи мнози и оугнетѣху его. **И** жена нѣкаа сѣщи въ точенїи крове лѣтъ дванадесѣте, и многѣ пострадавши ѿ многѣ врачевъ, и издѣвши своѣ всѣ, и ни единыа пользы ѡбръѣтши, но паче въ горшее пришедши: слышавши ѡ иисѣ, пришедши въ народѣ создаи, прикоснѣса ризѣ его: глаголаше бо, ѣкѡ, аще прикоснѣса ризамъ его, спасена вѣдѣ. **И** ѡвѣе изсѣкнѣ источникъ крове еѣ: и раздѣи тѣломъ, ѣкѡ изцѣлѣ ѿ раны. **И** ѡвѣе иисѣ раздѣи въ себѣ силѣ изшедшю ѿ него, (и) ѡбръѣцѣса въ народѣ, глаше: кто прикоснѣса ризамъ моимъ; **И** глаголаху емѣ оучицы его: видѣши народѣ оугнетѣющѣ тѣ, и глѣши: кто прикоснѣса миѣ; **И** ѡбгладѣше видѣти сотворшю сѣе. **Ж**ена же оубоѡвнѣса и трепещущи, вѣдѣши, ѣже бысть ей, прїиде и припадѣ къ немѣ и рече емѣ всю истинѣ. **О**нѣ же рече ей: дщи, вѣра твоѣ спасе тѣ: иди въ мирѣ и вѣди цѣлѣ ѿ раны твоѣ.

Причастен: Радѣйтесь, прѣвнїи, ѡ гдѣ: правимъ подобѣетъ похвалѣ.

Молитва

О святыя и достохвальныя мученицы Веро, Надеждо и Любы и доблестныхъ дочерей мудрая мати Софїе! К вам ныне со усердною молитвою притекаем. Что бо паче возможетъ предстательствовати за ны предъ Господемъ, аще не вера, надежда и любви, три сия добродетели пребывающыя, во ихже образъ нареченныя, самую вещь оныя яviste? Умолите убо Господа, да в скорбехъ и напастехъ неизреченною благодатию Своею покрѣетъ ны, и сохранитъ, и Того славу, яко солнце незаходимое, зрети да сподобитъ. Споспешествуйте намъ во смиренныхъ моленїихъ нашихъ, да проститъ Господь Богъ грехи и беззаконя наша, и да помилуетъ насъ, грешныхъ, и щедротъ Своихъ да сподобитъ насъ Христосъ Богъ, Емуже славу возсылаемъ, со Безначальнымъ Его Отцемъ, и Пресвятымъ и Благимъ и Животворящимъ Его Духомъ, ныне и присно, и во веки вековъ. Аминь.